



# SLUŽBENI GLASNIK GRADA SREBRENIK

Godina LXI – broj 10

30.04.2026. godine

## I - AKTI GRADSKOG VIJEĆA

### 1.

Na osnovu člana 13. stav (2) alineja 12. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine”, broj: 49/06 i 51/09), člana 25. stav (1) tačka 13. Statuta Grada Srebrenik („Službeni glasnik Grada Srebrenik”, broj: 1/24) i člana 11. stav (1) Odluke o priznanjima i stimulativnim mjerama Općine Srebrenik (“Službeni glasnik Općine Srebrenik”, broj: 3/19 i 5/19), koja se primjenjuje temeljem odredbi člana 159. Statuta Grada Srebrenik, Gradsko vijeće Srebrenik, povodom 21. juna-Dana Grada Srebrenik, na 15. redovnoj sjednici, održanoj 28.04.2026. godine, donijelo je:

#### ODLUKU

#### o dodjeli priznanja i stimulativnih mjera Grada Srebrenik za 2026.godinu

##### Član 1.

Za zasluge i postignute rezultate u privrednom razvoju Grada Srebrenik, postignute uspjehe u radu i doprinos afirmaciji i promociji Grada Srebrenik, dodjeljuje se:

#### I. POČASNI GRAĐANIN GRADA SREBRENIK

1. Prof.dr.med.sci. Zlatan Mehmedović iz Tuzle, za izuzetan doprinos razvoju zdravstvenog sistema, unapređenju kvaliteta života građana Srebrenika, afirmaciji Grada Srebrenika i nesebičnom angažovanju u pružanju zdravstvene pomoći borcima, RVI populaciji i njihovim porodicama.

#### II. POVELJA GRADA SREBRENIK SA SREBRENIM GRBOM

1. Fahir Zukić iz Lisovića, za nesebičan doprinos razvoju društvene zajednice i velike humanitarne aktivnosti;

2. Profesionalna vatrogasna jedinica Srebrenik, za veliki doprinos sigurnosti građana Grada Srebrenik, očuvanju imovine i jačanju ukupnog sistema civilne zaštite;
3. BH Fanaticosi, za doprinos promociji BiH u međunarodnom kontekstu kroz sportske događaje, šaljući poruke jedinstva, tolerancije i ljubavi prema domovini.

#### III. NOVČANA NAGRADA

1. „Silver Forces“ SRK Srebrenik, za razvoj sporta, turističkog potencijala, civilne sigurnosti, te afirmacije zdravog života za mlade Grada Srebrenika;
2. Udruženje žena „Diva“ Srebrenik, za značajan doprinos u razvoju lokalne zajednice, društveni angažman u očuvanju tradicije i osnaživanju položaja žena;
3. Amina Okić iz Ježinca, za ostvarene zapažene rezultate u učenju, kao i sportskim aktivnostima;
4. NK „Mladost“ Tinja-pionirska selekcija, za afirmaciju sporta mladih;
5. Selim Sofić iz Srebrenika, za izuzetan doprinos razvoju sporta i kontinuiranu podršku sportskim kolektivima;
6. Safet Smajić iz Srebrenika, za izuzetan doprinos očuvanju i razvoju folklorne tradicije i kulturnog nasljeđa;
7. Učenik generacije JU MSŠ Srebrenik u školskoj 2025/2026.godini.

##### Član 2.

Priznanja, stimulativne mjere i nagrade iz člana 1. Odluke, imenovanima će se uručiti na Svečanoj sjednici Gradskog vijeća povodom Dana Grada Srebrenik - 21. juna 2026.godine.

## Član 3.

Odluka stupa na snagu danom donošenja, a objavit će se u „Službenom glasniku Grada Srebrenik“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gr adsko vijeće-

Broj: 01-04-151-1/26  
Srebrenik, 28.04.2026.godine

PREDSJEDAVALJUĆI  
GRADSKOG VIJEĆA  
Nisvet Sejdinović, s.r.

## 2.

Na osnovu člana 25. stav (1) tačka 27) Statuta Grada Srebrenika („Službeni glasnik Grada Srebrenik“, broj: 01/24) i člana 22. Odluke o izvršavanju Budžeta Grada Srebrenik za 2026. godinu („Službeni glasnik Grada Srebrenik“, broj: 1/26) Gradsko vijeće Grada Srebrenika, na 15. redovnoj sjednici održanoj, 28.04.2026. godine, donosi

### **O D L U K U** **o hitnoj dodjeli podsticaja poljoprivrednim** **proizvođačima za gorivo**

#### **Član 1** **(Predmet)**

Ovom odlukom utvrđuju se osnovni uslovi interventne podsticajne mjere poljoprivrednim proizvođačima za gorivo.

#### **Član 2** **(Sredstva )**

Grad Srebrenik će izvojiti 50.000,00 KM sa Budžetske pozicije „Ostali transferi pojedincima – podsticaj poljoprivrednoj proizvodnji“ utvrđen u Budžetu za 2026. godinu. Sredstva potrebna za provođenje ove odluke u iznosu od 50.000,00 KM obezbijedit će se internom preraspodjelom budžetskih sredstava i prenijeti na postojeću budžetsku poziciju 614239-2- Ostali transferi pojedincima – podsticaj poljoprivrednoj proizvodnji.

#### **Član 3** **(Način dodjele)**

Dodjela posticaja izvršit će se putem javnog poziva, koji će biti otvoren 15 dana od dana objave.

#### **Član 4.** **(Visina podsticaja)**

Sufinancirat će se utrošeno gorivo za ratarstvo, povrtlarstvo (proizvodnja krompira) minimalno 0,4 ha u iznosima utvrđenim Pravilnikom, s tim da podsticaj iznosi najmanje 100 KM/ha, a u skladu sa ukupnim iznosom izdvojenim za ovu vrstu podsticaja.

## Član 5.

### **(Donošenje pravilnika)**

(1) Gradonačelnik će u roku od 15 dana od dana stupanja na snagu ove odluke, donijeti pravilnik kojim će se bliže urediti kriteriji, uslovi, postupak, način dodjele, kao i druga pitanja od značaja za raspodjelu sredstava iz ove odluke.

(2) Pravilnikom iz stava (1) ovog člana posebno će se definisati način podnošenja zahtjeva, potrebna dokumentacija, postupak odlučivanja, kao i način praćenja i kontrole dodijeljenih sredstava.

## Član 6.

### **(Stupanje na snagu)**

Ova Odluka stupa na snagu narednog dana od dana objavljivanja u „Službenom glasniku Grada Srebrenik“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gr adsko vijeće-

Broj: 01-20-268-3/26  
Srebrenik, 28.04.2026.godine

PREDSJEDAVALJUĆI  
GRADSKOG VIJEĆA  
Nisvet Sejdinović, s.r.

## 3.

Na osnovu odredaba člana 22. stav 2. i člana 363 tačka 1. Zakona o stvarnim pravima („Službene novine Federacije Bosne i Hercegovine“, broj 66/13. i 100/13.), člana 13. stav 2. alineja 5. i člana 35. Zakona o principima lokalne samouprave („Službene novine FBiH“, broj 49/06 i 51/09.), člana 6. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine FBiH“, broj 17/14.), Odluke o utvrđivanju uslova i načina uspostave prava građenja na nekretninama u vlasništvu Grada Srebrenika na lokalitetu privredne zone „Tinja Gornja“ putem javnog nadmetanja/licitacije („Sl glasnik Grada Srebrenika“, broj 4/20.), Odlukom o uvjetima i načinu pribavljanja i raspolaganja nekretninama u vlasništvu grada Srebrenik („Sl glasnik Grada Srebrenika“, broj 10/23) i člana 25. Statuta Grada Srebrenika („Sl glasnik Grada Srebrenika“, broj 1/24) a u skladu sa Zakonom o Gradu Srebrenik („Službene novine Federacije Bosne i Hercegovine“, broj 30/19), Gradsko Vijeće Grada Srebrenik, na sjednici od . 04. 2026. godine, donosi

### **ODLUKU** **o opterećenju zemljišta pravom građenja na** **lokalitetu privredne zone Tinja Gornja putem** **javnog nadmetanja – licitacije**

#### **Član 1.**

Odobrava se opterećenje zemljišta pravom građenja putem javnog nadmetanja – licitacije i to sljedeće

# SLUŽBENI GLASNIK

nekretnine u vlasništvu Grada Srebrenika na lokalitetu privredne zone „Tinja Gornja“ definisane Zoning planom privredne zone „Tinja Gornja“ („Službeni glasnik Grada Srebrenik“, broj 1/19.):

R/b	Broj poslovne kompleksa označeno u zoning planu	Broj katastarske parcele po novom promjeru	Broj katastarske čestice u zemljišnoj knjizi	Površina parcele	Horizontalni i vertikalni gabariti objekta	Početna tržišna cijena mjesečne zakupnine u KM za cijelu parcelu
1.	„46“	k.p.2532/60 KO Tinja	k.č.2532/60 KO Tinja	1990m <sup>2</sup>	gabariti 24,00 x 28,50 m spratnost i P+2	65,67 bez PDV-a 76,83 sa PDV-om
2.	„47“	k.p.2532/71 KO Tinja	k.č.2532/71 KO Tinja	2293m <sup>2</sup>	gabariti 30,00 x 21,50 m spratnost i P+2	75,67 bez PDV-a 88,53 sa PDV-om

Za navedenu katastarsku opštinu izvršeno je usaglašavanje podataka katastra i zemljišne knjige.

## Član 2.

Za građevinske parcele iz člana 1. ove Odluke a koje su predmet javnog nadmetanja donesena je načelna urbanistička saglasnost.

## Član 3.

(1) Opterećenje pravom građenja na nekretninama iz člana 1. ove Odluke vršit će se putem javnog nadmetanja-licitacije.

(2) Na osnovu ove Odluke, Gradonačelnik Grada Srebrenik će raspisati javni oglas o opterećenju zemljišta pravom građenja na nekretninama iz člana 1. ove Odluke putem javnog nadmetanja-licitacije, sa pravom da iz tehničkih razloga, ukoliko se za to ukaže potreba može poništiti raspisani oglas i objaviti novi u skladu sa odredbama ove Odluke.

(3) Javni oglas iz prethodnog stava ovog člana objavit će se na oglasnim tablama u zgradi Gradske uprave Grada Srebrenika i internet stranici Grada Srebrenik ([www.srebrenik.ba](http://www.srebrenik.ba)), a u jednom dnevnom listu koji se izdaje u Federaciji Bosne i Hercegovine objavit će se obavijest o raspisivanju Javnog oglasa koja obavezno sadrži podatke o nekretninama koje se opterećuju pravom građenja (broj poslovnog kompleksa označenog u zoning planu, broj katastarske parcele odnosno čestice, površinu parcele, horizontalne i vertikalne gabarite objekta i

početnu tržišnu cijenu mjesečne zakupnine), te informaciju o mjestu objave integralnog teksta Javnog oglasa.

(4) Javni oglas mora biti objavljen najmanje 15 dana prije dana određenog za nadmetanje-licitaciju.

(5) Ukoliko, po provođenju javnog oglasa iz stava (2) ovog člana, odluka ne bude realizovana u cjelosti u odnosu na sve nekretnine iz člana 1. ove Odluke, ovlašćuje se Gradonačelnik da za preostale nekretnine raspiše i objavi novi javni oglas.

## Član 4.

Početnu tržišnu cijenu mjesečne naknade za zemljište koje je predmet opterećenja pravom građenja navedenog u prethodnom članu ove Odluke u visini prosječne zakupnine za takvo zemljište utvrdio je stalni sudski vještak građevinske struke struke svojim Nalazom i mišljenjem sačinjenim u aprilu 2026 godine u iznosu od 0,033 KM/m<sup>2</sup> bez PDV-a, odnosno 0,0386 KM/m<sup>2</sup> sa PDV-om.

## Član 5.

(1) Uslov za ostvarivanje prava građenja na nekretninama iz člana 1. ove Odluke je da se na istim grade poslovni objekti proizvodno-poslovne djelatnosti prema Odluci o klasifikaciji djelatnosti BiH 2010 („Službeni glasnik BiH“, broj:47/10.)

(2) U obuhvatu zoning plana nije dopuštena djelatnost izgradnje fizičkih struktura i radovi suprotni namjeni zone, stanovi koji nisu za nadzorno osoblje, osoblje u pripravnosti i vlasnike pogona te nisu dopuštene djelatnosti koje ometaju primarnu zonu namjene, izgradnja fizičkih struktura i radovi suprotno namjeni u putnom pojasu ako posebnim propisom nije drugačije predviđeno, provođenje instalacija kojima se opslužuju objekti izvan područja sanitarne zaštite kao i sve aktivnosti kojima bi se mogao ugroziti režim sanitarne zaštite.

(3) Pored uslova iz stava (1) i (2) ovog člana, uslov za ostvarivanje prava građenja na predmetnim nekretninama je i broj zaposlenih na način da na 300 m<sup>2</sup> bruto izgrađene površine proizvodno-poslovnog objekta otvori najmanje jedno radno mjesto.

(4) Djelatnost pojedinih proizvodno-poslovnih kompleksa – objekata u obuhvatu zoning plana zavisit će od konkretnih zahtjeva potencijalnih investitora koji moraju biti u skladu sa stavom (2) ovog člana što će se pojedinačno utvrđivati kroz izdavanje urbanističko tehničke dokumentacije i saglasnosti od nadležnih institucija.

## Član 6.

(1) Pravo učešća u postupku javnog nadmetanja imaju sva domaća i strana registrovana fizička i pravna lica, kao i više takvih lica po osnovu ugovora o zajedničkoj gradnji.

(2) Učesnici u postupku javnog nadmetanja dužni su na nekretninama iz člana 1. ove Odluke graditi poslovne objekte proizvodno –poslovne djelatnosti iz člana 5. stav (1) ove Odluke za koje su registrovani i koje su prijavom na Javni oglas naznačili da će obavljati, o čemu su dužni, kao dokaz o registrovanoj djelatnosti, dostaviti rješenje o registrovanoj djelatnosti za fizička lica odnosno aktuelni izvod iz sudskog registra za pravna lica.

## Član 7.

Pravo građenja na nekretninama iz člana 1. ove Odluke uspostavlja se na vremenski period od 40 godina, uz mogućnost sporazumnog produženja na rok ne duži od onog na koji je uspostavljeno.

## Član 8.

(1) Učesnici u postupku javnog nadmetanja – licitacije mogu podnijeti više prijava za više nekretnina, ali pravo građenja mogu ostvariti samo na jednoj nekretnini.

(2) Izuzetno, učesnici u postupku javnog nadmetanja – licitacije mogu ostvariti pravo na dvije ili više nekretnina ukoliko se radi o spajanju susjednih nekretnina jer to zahtijeva poslovno- privredni proces.

## Član 9.

(1) Prijava za učešće na javnom nadmetanju-licitaciji podnosi se u pismenom obliku i mora sadržavati sljedeće:

- a) Ime i prezime registrovanog fizičkog lica odnosno naziv pravnog lica
- b) Kontakt telefon
- c) Adresa registrovanog fizičkog lica odnosno sjedište pravnog lica
- d) Oznaku nekretnine za koju se podnosi prijava ( broj katastarske čestice ili naznaka poslovnog kompleksa),
- e) Naznaka djelatnosti koja će se obavljati u poslovnom objektu koji se namjerava izgraditi
- f) Potpis registrovanog fizičkog lica odnosno potpis ovlaštenog pravnog lica i pečat.

(2) Učesnik javnog nadmetanja licitacije uz prijavu dužan je dostaviti originalnu ili od nadležnog organa ovjerenu fotokopiju dokumentacije i to :

- a) Rješenje o registrovanoj djelatnosti, za registrovano fizičko lice odnosno aktuelni izvod iz sudskog registra za pravno lice (ne starije od 90 dana od dana podnošenja prijave),
- b) Važeća lična karta registrovanog fizičkog lica (lica ovlaštenog za zastupanje registrovanog fizičkog lica), odnosno važeća lična karta odgovornog lica u pravnom licu (lica ovlaštenog za zastupanje odgovornog lica u pravnom licu),
- c) Dokaz o uplaćenju kapari u iznosu od 500,00 KM,
- d) Dokaz prijave prebivališta (PBA-3 obrazac) za registrovano fizičko lice odnosno odgovornog lica u pravnom licu,
- e) Uvjerenje o poreznoj registraciji – ID broj poreznog obveznika,
- f) Original potvrdu nadležne porezne uprave iz koje je vidljivo da je pravna ili fizička osoba izmirila sve dospjele porezne obaveze izdatu nakon objavljivanja javnog oglasa,

g) Original potvrdu Uprave za indirektno oporezivanje o uplaćenju PDV-ukoliko je prijavljeni učesnik obveznik plaćanja PDV-a izdatu nakon objavljivanja javnog oglasa ,

h) Dokaz o izmirenim obavezama po osnovu PIO/MIO, izdat od strane nadležne poreske uprave, te dokaz iz kojeg je vidljivo da učesniku oglasa nije blokiran žiro račun, izdat od strane Centralne banke BiH, original, nakon objavljivanja javnog oglasa

i) Izjavu ovjerenu kod nadležnog organa kojom prihvata obavezu da u roku ne dužem od 24 mjeseca od dana pravosnažnosti pribavljenog odobrenja za građenje izgradi i stavi u funkciju proizvodni/poslovni objekat,

j) Izjavu ovjerenu kod nadležnog organa kojom prihvata obavezu da u roku ne dužem od šest mjeseci od dana izdavanja upotrebne dozvole za objekat izgrađen na ime utvrđenog prava građenja, otvori najmanje jedno radno mjesto na 300 m2 bruto izgrađene površine proizvodnog/poslovnog objekta unutar građevinske parcele,

k) Ugovor o zajedničkoj gradnji ukoliko u postupku javnog nadmetanja učestvuje više registrovanih fizičkih odnosno pravnih lica.

## Član 10.

(1) Javno nadmetanje /licitaciju će provesti komisija koju imenuje Gradsko vijeće.

Nadmetanje/licitacija će se provoditi po postupku utvrđenom Pravilnikom o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine FBiH“, broj 17/14.).

(2) Javnom nadmetanju –licitaciji je dužan da prisustvuje podnosilac prijave ili lice koje ima punomoć za zastupanje podnosioca prijave za postupak javnog nadmetanja – licitacije .

(3)

## Član 11.

(1) Ako ne uspije prva licitacija, licitacija se ponavlja.

(2) Ako ne uspije ni ponovljena licitacija, smatra se da je javno nadmetanje bezuspješno.

(3) U slučaju iz stava (2) ovog člana raspolaganje nekretninom može se izvršiti neposrednom pogodbom s tim što cijena nekretnine koja se opterećuje pravom građenja ne može biti niža od tržišne cijene te nekretnine.

## Član 12.

(1) Licitacija se može održati samo ako u njoj učestvuju najmanje dva učesnika.

(2) Ako se na licitaciju javi samo jedan učesnik Komisija može pristupiti postupku opterećenja pravom građenja nekretnine neposrednom pogodbom, pod uvjetom da cijena ne može biti niža od početne cijene objavljene u oglasu o licitaciji.

## Član 13.

(1) Učesnici javnog nadmetanja/licitacije su dužni položiti kaparu za nekretnine iz člana 1. ve Odluke u

iznosu od 500,00 KM uplatom na depozitni račun Budžeta grada Srebrenik broj:1321500299280097, vrsta prihoda 722431, šifra grada 085, budžetska organizacija 0301001.

(2)Ukoliko učesnik javnog nadmetanja – licitacije podnese prijavu za više nekretnina iz člana 1. ove Odluke dužan je položiti kaparu u iznosu od po 500,00 KM za svaku nekretninu.

(3)Kapara iz stava (1) i (2) ovog člana neće se vraćati ukoliko učesnik javnog nadmetanja odustane od zaključenja ugovora o osnivanju prava građenja.

(4) Učesniku javnog nadmetanja koji ne ostvari pravo na zasnivanje prava građenja uplaćena kapara će se vratiti u roku od 15 dana od dana zaključenja postupka javnog nadmetanja.

## Član 15.

Osnovni kriterij za izbor najpovoljnijeg ponuđača je visina ponuđene mjesečne zakupnine za nekretninu iz člana 1. ove Odluke.

## Član 16.

(1)Nakon provedene procedure javnog nadmetanja /licitacije na osnovu zapisnika Komisije za provođenje javnog nadmetanja /licitacije, Gradsko vijeće će na prijedlog Gradonačelnika i uz prethodno pribavljeno mišljenje Gradskog pravobranilaštva, donijeti odluku o izboru najpovoljnijih ponuđača sa kojima će se pojedinačno zaključiti ugovor o osnivanju prava građenja na nekretninama iz člana 1. ove Odluke u formi notarski obrađene isprave.

(2)Ugovor iz stava 1. ovog člana, uz prethodno pribavljeno mišljenje na isti od strane Gradskog pravobranilaštva, potpisuje Gradonačelnik ili osoba koju Gradonačelnik posebno ovlasti.

(3)Troškove izrade i notarske obrade ugovora o osnivanju prava građenja kao i pripadajućeg poreza na promet nepokretnosti snosi nositelj prava građenja.

(4)Lice koje bude izabrano za najpovoljnijeg ponuđača dužno je dostaviti kao sredstvo obezbjeđenja plaćanja zakupnine za vrijeme trajanja prava građenja, mjeničnu izjavu i bjanko mjenicu danom zaključenja ugovora o pravu građenja s tim da mjenični dužnik (trasat ) može biti samo banka

(5)Nositelj prava građenja će izvršiti upis tog prava u zemljišnoj knjizi na nekretnini u vlasništvu Grada Srebrenik na kojoj je pravo građenja uspostavljeno.

(6)Nakon zaključenja ugovora o osnivanju prava građenja i uplate iznosa prve mjesečne zakupnine, nositelj prava građenja će se uvesti u posjed nekretnine.

## Član 17.

(1)Nosilac prava građenja je dužan plaćati zakupninu mjesečno po fakturi ispostavljenom od strane gradske službe nadležne za finansije do petog u mjesecu za prethodni mjesec.

(2)Obaveza plaćanja zakupnine teče od dana zaključenja ugovora o pravu građenja.

(3)Uplaćena kapara se nosiocu prava građenja uračunava kao unaprijed plaćena zakupnina.

(4)Iznos zakupnine se usklađuje jedanput godišnje s ostvarenom stopom inflacije ili deflacije u toj godini a

korigovana zakupnina će se primjenjivati u tekućoj godini.

(5)Ukoliko nositelj prava građenja kasni s plaćanjem zakupnine dva mjeseca uzastopno vlasnik nekretnine će aktivirati instrument obezbjeđenja plaćanja.

(6)Ukoliko je kašnjenje duže od tri mjeseca uzastopno smatrat će se da je nositelj prava građenja jednostrano raskinuo ugovor.

(7)U slučaju proteka roka iz stava 6. ovog člana, Gradska služba nadležna za finansije, podnijet će inicijativu Gradskom pravobranilaštvu za pokretanje postupka donošenja odluke o ukidanju zasnovanog prava građenja, a koju odluku, na prijedlog Gradonačelnika, donosi Gradsko vijeće.

(8)U slučaju donošenja odluke iz stava 7. ovog člana, vlasnik zemljišta Grad Srebrenik nema obavezu obeštećenja nosioca prava građenja koji je na nekretnini koja je bila predmet ugovora o osnivanju prava građenja započeo ili izgradio objekat/objekte.

(9)Grad Srebrenik će u roku od 30 dana od dana donošenja odluke iz stava 7. ovog člana, pozvati nosioca prava građenja da o svom trošku i riziku ukloni izgrađene objekte ili dijelove objekata.

## Član 18.

(1)Nosilac prava građenja je u obavezi da u roku od 30 dana od dana zaključenja ugovora o osnivanju prava građenja, od nadležne gradske službe zatraži dopunu rješenja o urbanističkoj saglasnosti sa svim neophodnim podacima koji su

relevantni za odobravanje građenja, te nakon pravosnažnosti pribavljenog rješenja o odobrenju za građenje u roku ne dužem od 24 mjeseca, izgradi poslovni objekat u skladu sa pribavljenim odobrenjem za građenje i ugovorom o osnivanju prava građenja.

(2)Ukoliko nositelj prava građenja ne izvrši obavezu na način i u roku iz stava (1) ovog člana, Gradska služba nadležna za prostorno uređenje podnijet će inicijativu Gradskom pravobranilaštvu za pokretanje postupka donošenja odluke o ukidanju zasnovanog prava građenja, a koju odluku, na prijedlog Gradonačelnika, donosi Gradsko vijeće.

(3)U slučaju donošenja odluke iz stava 2. ovog člana, vlasnik zemljišta Grad Srebrenik nema obavezu obeštećenja nosioca prava građenja koji je na nekretnini koja je bila predmet ugovora o osnivanju prava građenja započeo ili izgradio objekat/objekte.

(4)Grad Srebrenik će u roku od 30 dana od dana donošenja odluke iz stava 2. ovog člana, pozvati nosioca prava građenja da o svom trošku i riziku ukloni izgrađene objekte ili dijelove objekata.

## Član 19.

Ukoliko nosilac prava građenja ne ispuni uslove iz člana 5. ove Odluke, ili u postupku izdavanja urbanističke saglasnosti ne pribavi okolinsku dozvolu izdatu od strane nadležnog ministarstva za slučaj kada namjena građevine ili drugi zahvat u prostoru može imati značajan uticaj na okolicu i kada se nalazi na

spisku objekata za koju je potrebno dobiti okolinsku dozvolu od nadležnog ministarstva, smatrat će se da je nosilac prava građenja jednostrano raskinuo zaključeni ugovor, a nadležna gradska služba za finansije odnosno prostorno uređenje će podnijeti inicijativu gradskom pravobranilaštvu za pokretanje postupka donošenja odluke o ukidanju zasnovanog prava građenja, koju odluku, na prijedlog gradonačelnika, donosi gradsko vijeće.

## Član 20.

(1) Uspostavljeno pravo građenja može se prenositi na druge osobe i opteretiti putem zaključenog pravnog posla, odluke nadležnog tijela i nasljeđivanjem.

(2) Lice koje ostvari pravo građenja ne može se odreći tog prava bez saglasnosti vlasnika nekretnine koja je opterećena.

## Član 21.

(1) U slučaju da do raskida ugovora o zasnivanju prava građenja dođe krivicom nosioca prava građenja prije isteka vremenskog perioda na koji je ugovor zaključen, Gradska služba nadležna za finansije, podnijet će inicijativu Gradskom pravobranilaštvu za pokretanje postupka donošenja odluke o ukidanju zasnovanog prava građenja, a koju odluku, na prijedlog Gradonačelnika, donosi Gradsko vijeće.

(2) U slučaju donošenja odluke iz prethodnog stava ovog člana, vlasnik zemljišta Grad Srebrenik nema obavezu obeštećenja nosioca prava građenja koji je na nekretnini koja je bila predmet ugovora o osnivanju prava građenja započeo ili izgradio objekat/objekte.

(3) Grad Srebrenik će u roku od 30 dana od dana donošenja odluke iz stava 1. ovog člana, pozvati nosioca prava građenja da o svom trošku i riziku ukloni izgrađene objekte ili dijelove objekata.

## Član 22.

Na osnovu ove Odluke, Gradonačelnik će putem nadležnih gradskih službi pratiti realizaciju zaključenih ugovora o uspostavljenom pravu građenja.

## Član 23.

Ova Odluka stupa na snagu danom objavljivanja u Službenom glasniku Grada Srebrenika.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gr adsko vijeće-

Broj: 01-04-292-1/26  
Srebrenik, 28.04.2026.godine

PREDSJEDAVAJUĆI  
GRADSKOG VIJEĆA  
Nisvet Sejdinović, s.r.

## 4.

Na osnovu člana 25. Statuta Grada Srebrenik ("Službeni glasnik Grada Srebrenik", broj: 1/24), Gradsko vijeće Grada Srebrenik na sjednici održanoj dana 29.04.2026. godine d o n o s i:

## ODLUKU

### **o dopuni Odluke o utrošku sredstava koja se dodjeljuju iz Budžeta Grada Srebrenik za (su)finansiranje projekata i programa u oblasti sporta, tjelesne kulture i sportskih manifestacija**

## Član 1.

U Odluci o utrošku sredstava koja se dodjeljuju iz Budžeta Grada Srebrenik za (su)finansiranje projekata i programa u oblasti sporta, tjelesne kulture i sportskih manifestacija ("Službeni glasnik Grada Srebrenik", broj: 1/22 i 2/24), u članu 6., iza stava (2), dodaje se stav (3) koji glasi:

"(3) Ukoliko se javni poziv iz stava (1) ovog člana ne raspiše odnosno ne okonča do kraja marta tekuće godine, korisniku se mogu na zahtjev odobriti sredstva odlukom Gradonačelnika u visini do 50 % odobrenih sredstava na koje je stekao pravo u prethodnoj godini, u skladu s namjenom definisanom ovom Odlukom. Iznos na koji korisnik stekne pravo po javnom pozivu u tekućoj godini umanjit će se za iznos sredstava odobrenih po zahtjevu iz ovog stava. Ukoliko se korisnik kojem su odobrena sredstva po zahtjevu iz ovog stava ne prijavi na javni poziv u tekućoj godini ili ne stekne pravo na dodjelu po istom, biće dužan vratiti sredstva koja su mu odobrena po zahtjevu u budžet Grada Srebrenik, o čemu će se sačiniti posebno rješenje. Sredstva po zahtjevu iz ovog stava odobravaju se u cilju sprječavanja eventualnih zastoja u funkcionisanju korisnika te se ista moraju namjenski utrošiti i pravdati zajedno sa utroškom sredstava odobrenim po javnom pozivu u tekućoj godini."

## Član 2.

Ova Odluka stupa na snagu danom donošenja i bit će objavljena u Službenom glasniku Grada Srebrenik.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gr adsko vijeće-

Broj: 01-45-289-1/26  
Srebrenik, 28.04.2026.godine

PREDSJEDAVAJUĆI  
GRADSKOG VIJEĆA  
Nisvet Sejdinović, s.r.

## 5.

Na osnovu odredaba člana 363. stav (1) i (2) Zakona o stvarnim pravima („Sl. novine FBiH“, broj:66/13 i 100/13), odredaba člana 9. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Sl. novine FBiH“, broj 17/14.), člana 10. i člana 24. Odluke o uvjetima i načinu pribavljanja i raspolaganja nekretninama u vlasništvu Grada Srebrenika („Sl. glasnik Grada Srebrenika“, broj 10/23), člana 25. Statuta Grada Srebrenika („Sl. glasnik Grada Srebrenika“, broj 1/24) u skladu sa Zakonom o Gradu Srebrenik („Sl. novine FBiH“, broj 30/19) Gradsko Vijeće Grada Srebrenika, na sjednici od . 04.2026. godine, donosi

### RJEŠENJE

o imenovanju Komisije za provođenje postupka javnog nadmetanja – licitacije za opterećenje zemljišta pravom građenja na lokalitetu privredne zone Tinja Gornja

#### I

U Komisiju za provođenje postupka javnog nadmetanja – licitacije za opterećenje zemljišta pravom građenja na lokalitetu privredne zone Tinja Gornja, imenuju se:

1. Nermin Jašarević, dipl.pravnik, predsjednik
2. Enis Brašnjić, dip. ing.građevine, član
3. Jasmin Hogić, dipl. ecc, član
4. Džemka Tursunović, dipl. pravnik, sekretar Komisije.

#### Zamjenski članovi:

1. Adin Mujčić, dipl. pravnik, zamjenik predsjednika
2. Samir Muratović, dipl. ing. građevine, zamjenik člana
3. Samir Kurtić, dipl. ecc, zamjenik člana

#### II

Javno nadmetanje – licitacija će se provesti za osnivanje prava građenja na nekretninama u vlasništvu Grada Srebrenik koje se nalaze na lokalitetu privredne zone Tinja Gornja u Srebreniku, označenim kao:

-k.p. broj 2532/60 u nazivu Luke u načinu korištenja oranica/njiva 8. klase u površini 1990 m<sup>2</sup> upisane u posjedovni list broj:192 KO Tinja i ZK uložak broj 3807 KO Tinja.

-k.p. broj 2532/71 u nazivu Luka u načinu korištenja Livada 4. klase u površini 1767 m<sup>2</sup> i oranica/njiva 8. klase u površini 526 m<sup>2</sup> upisane u posjedovni list broj:192 KO Tinja i ZK uložak broj 3807 KO Tinja.

#### III

Zadatak Komisija iz tačke I ovog Rješenja je da u skladu sa odredbama člana 9. do 23. Pravilnika o postupku javnog konkursa za raspolaganje nekretninama u vlasništvu Federacije Bosne i

Hercegovine, kantona, općina i gradova („Sl.novine FBiH“, broj 17/14.), Odluke o uvjetima i načinu pribavljanja i raspolaganja nekretninama u vlasništvu grada

Srebrenik („Sl. Glasnik Grada Srebrenik“, broj 10/23) kao i člana 10. Odluke o opterećenju zemljišta pravom građenja na lokalitetu privredne zone Tinja Gornja putem javnog nadmetanja – licitacije, provede postupak javnog nadmetanja-licitacije, sačini Zapisnik o svom radu s prijedlogom za izbor najpovoljnijeg ponuđača za 2 urbanističko građevinske parcele k.p. broj 2532/60 , k.p. broj 2532/71, dostavi ga Službi za geodetske i imovinsko pravne poslove radi pripreme Odluke o izboru najpovoljnijeg ponuđača i davanju saglasnosti na zaključenje Ugovora o osnivanju prava građenja

na nekretninama u vlasništvu Grada Srebrenik u privrednoj zoni Tinja Gornja u Srebreniku koju donosi Gradsko vijeće na prijedlog Gradonačelnika uz prethodno pribavljeno mišljenje Gradskog pravobranioca.

#### IV

Ovo Rješenje stupa na snagu danom donošenja, a objavit će se u Službenom glasniku Grada Srebrenik.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENIK  
- G r a d s k o v i j e ć e -

Broj: 07-04-293-1/26  
Srebrenik, 28.04.2026.godine

PREDSJEDAVAJUĆI  
GRADSKOG VIJEĆA  
Nisvet Sejdinović, s.r.

## 6.

Na osnovu člana 25. Statuta Grada Srebrenik (“Službeni glasnik Grada Srebrenik”, broj:1/24) i člana 81. Poslovnika o radu Općinskog vijeća Općine Srebrenik - Prečišćen tekst (“Službeni glasnik Općine Srebrenik”, broj: 10/06, 2/10, 8/11, 2/17 i 7/17), razmatrajući Nacrt Odluke o utrošku sredstava iz naknade za korištenje državnih šuma za 2026. godinu utvrđene kantonalnim propisima, Gradsko vijeće na 15.redovnoj sjednici, održanoj dana 28.04.2026.godine, donijelo je:

### ZAKLJUČAK

#### I

Usvaja se Nacrt Odluke o utrošku sredstava iz naknade za korištenje državnih šuma za 2026. godinu utvrđene kantonalnim propisima, uz primjedbe i sugestije iznesene na sjednici Gradskog vijeća, da može biti osnov za izradu Prijedloga.

# SLUŽBENI GLASNIK

## II

Zaključak stupa na snagu danom donošenja i bit će objavljen u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gradsko vijeće-

PREDSJEDAVAJUĆI  
GRADSKOG VIJEĆA  
Broj: 07-04-167-2/26 Nisvet Sejdinović, s.r.  
Srebrenik, 28.04.2026.godine  
-----

## 7.

Na osnovu člana 25. Statuta Grada Srebrenik ("Službeni glasnik Grada Srebrenik", broj:1/24) i člana 81. Poslovnika o radu Općinskog vijeća Općine Srebrenik - Prečišćen tekst ("Službeni glasnik Općine Srebrenik", broj: 10/06, 2/10, 8/11, 2/17 i 7/17), razmatrajući Nacrt Odluke o usvajanju i provođenju Regulacionog plana „Stara Majevica“ Srebrenik, Gradsko vijeće Grada Srebrenik na 15.redovnoj sjednici, održanoj dana 28.04.2026.godine, donijelo je:

## ZAKLJUČAK

### I

Usvaja se Nacrt Odluke o provođenju Regulacionog plana „Stara Majevica“ Srebrenik, uz primjedbe i sugestije iznesene na sjednici Gradskog vijeća.

### II

Javnu raspravu o Nacrtu Odluke o provođenju Regulacionog plana „Stara Majevica“ Srebrenik, provest će Predlagač u skladu s odredbama Odluke o javnim raspravama u Općini Srebrenik („Službeni glasnik Općine Srebrenik“, broj: 11/04 i „Službeni glasnik Grada Srebrenik“, broj: 10/23) i odredbama člana 117. Statuta Grada Srebrenik („Službeni glasnik Grada Srebrenik“, broj: 1/24).“

### III

Zaključak stupa na snagu danom donošenja i bit će objavljen u "Službenom glasniku Grada Srebrenik".

### II

Javnu raspravu o Nacrtu Odluke o provođenju Regulacionog plana „Stara Majevica“ Srebrenik, provest će Predlagač u skladu s odredbama Odluke o javnim

raspravama u Općini Srebrenik („Službeni glasnik Općine Srebrenik“, broj: 11/04 i „Službeni glasnik Grada Srebrenik“, broj: 10/23) i odredbama člana 117. Statuta Grada Srebrenik („Službeni glasnik Grada Srebrenik“, broj: 1/24).“

## III

Zaključak stupa na snagu danom donošenja i bit će objavljen u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gradsko vijeće-

PREDSJEDAVAJUĆI  
GRADSKOG VIJEĆA  
Broj: 01-19-274-3/26 Nisvet Sejdinović, s.r.  
Srebrenik, 28.04.2026.godine  
-----

## II - AKTI GRADONAČELNIKA

## 8.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a postupajući po Zahtjevu Centra za razvoj i afirmaciju kulture i obrazovanja „Litteratus“ Sarajevo, broj: 00210-5-15-26 od 27.03.2026. godine i Mišljenja Službe za boračko-invalidsku zaštitu i društvene djelatnosti broj: 09-45-958/26, od: 17.04.2026 godine, a na prijedlog Službe za finansije i inspekcijski nadzor broj: 02-45-958/26 od 22.04.2026. godine, Gradonačelnik Grada Srebrenik donosi:

## ODLUKU

### I

Centru za razvoj i afirmaciju kulture i obrazovanja „Litteratus“ Sarajevo, grad Sarajevo (u daljnjem tekstu: Korisnik) odobravaju se novčana sredstva u iznosu od **500,00 KM**, u svrhu subvencioniranja troškova štampanja časopisa „Student“.

### II

Novčana sredstva iz tačke I ove Odluke odobravaju se na prijedlog nadležne Službe, na osnovu ispunjenih kriterija iz Odluke o utvrđivanju kriterija za korištenje sredstava tekuće rezerve u 2026. godini.

### III

Novčana sredstva iz tačke I ove Odluke odobravaju se iz Budžeta Grada Srebrenik sa pozicije 07, ekonomskog koda 600000–Tekuća rezerva budžeta, u skladu sa Odlukom o budžetu Grada

# SLUŽBENI GLASNIK

Srebrenik za 2026. godinu i Odlukom o izvršavanju budžeta Grada Srebrenik za 2026. godinu.

## IV

Novčana sredstva iz tačke I ove Odluke doznačit će se u korist Korisnika – Centar za razvoj i afirmaciju kulture i obrazovanja „Litteratus“ Sarajevo.

## V

Na osnovu ove Odluke, zaključit će se poseban Ugovor između Grada Srebrenik i Korisnika, kojim će se preciznije definisati prava i obaveze ugovornih strana.

Za pripremu Ugovora iz prethodnog stava, zadužuje se nadležna Služba za boračko-invalidsku zaštitu i društvene djelatnosti.

## VI

Zadužuje se Korisnik da Službi za boračko-invalidsku zaštitu i društvene djelatnosti dostavi Izvještaj sa dokumentacijom o namjenskom utrošku sredstava iz tačke I ove Odluke, što će se preciznije utvrditi Ugovorom iz tačke V ove Odluke.

## VII

Za realizaciju ove Odluke zadužuju se Služba za finansije i inspekcijski nadzor i Služba za boračko-invalidsku zaštitu i društvene djelatnosti.

## VIII

Ova Odluka stupa na snagu danom donošenja, a objavit će se u „Službenom glasniku Grada Srebrenik“.

BOSNA I HERCEGOVINA

FEDERACIJA BOSNE I HERCEGOVINE

TUZLANSKI KANTON

GRAD SREBRENİK

-G r a d o n a č e l n i k-

Broj: 07-45-958/26

GRADONAČELNIK

Srebrenik, 24.04.2026.godine

Adnan Bjelić, s.r.

## 9.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a postupajući po Zahtjevu Udruženja oboljelih od cistične fibroze u FBiH iz Fojnice, općina Fojnica, broj: 07-45-953/26 od 30.03.2026. godine i Mišljenja Službe za boračko-invalidsku zaštitu i društvene djelatnosti broj: 09-45-

953/26, od: 20.04.2026 godine, a na prijedlog Službe za finansije i inspekcijski nadzor broj: 02-45-953/26 od 23.4.2026. godine, Gradonačelnik Grada Srebrenik d o n o s i:

## ODLUKU

### I

Udruženju oboljelih od cistične fibroze u FBiH iz Fojnice, općina Fojnica (u daljnjem tekstu: Korisnik) odobravaju se novčana sredstva u iznosu od **1.000,00 KM**, u svrhu subvencioniranja troškova za pomoć u radu Udruženja.

### II

Novčana sredstva iz tačke I ove Odluke odobravaju se na prijedlog nadležne Službe, na osnovu ispunjenih kriterija iz Odluke o utvrđivanju kriterija za korištenje sredstava tekuće rezerve u 2026. godini.

### III

Novčana sredstva iz tačke I ove Odluke odobravaju se iz Budžeta Grada Srebrenik sa pozicije 07, ekonomskog koda *60000-Tekuća rezerva budžeta*, u skladu sa Odlukom o budžetu Grada Srebrenik za 2026. godinu i Odlukom o izvršavanju budžeta Grada Srebrenik za 2026. godinu.

### IV

Novčana sredstva iz tačke I ove Odluke doznačit će se u korist Korisnika – Udruženje oboljelih od cistične fibroze u FBiH Fojnica.

### V

Na osnovu ove Odluke, zaključit će se poseban Ugovor između Grada Srebrenik i Korisnika, kojim će se preciznije definisati prava i obaveze ugovornih strana.

Za pripremu Ugovora iz prethodnog stava, zadužuje se nadležna Služba za boračko-invalidsku zaštitu i društvene djelatnosti.

### VI

Zadužuje se Korisnik da Službi za boračko-invalidsku zaštitu i društvene djelatnosti dostavi Izvještaj sa dokumentacijom o namjenskom utrošku sredstava iz tačke I ove Odluke, što će se preciznije utvrditi Ugovorom iz tačke V ove Odluke.

### VII

Za realizaciju ove Odluke zadužuju se Služba za finansije i inspekcijski nadzor i Služba za boračko-invalidsku zaštitu i društvene djelatnosti.

### VIII

Ova Odluka stupa na snagu danom donošenja, a objavit će se u „Službenom glasniku Grada Srebrenik“.

BOSNA I HERCEGOVINA

FEDERACIJA BOSNE I HERCEGOVINE

TUZLANSKI KANTON

GRAD SREBRENİK

-G r a d o n a č e l n i k-

Broj: 07-45-953/26

Srebrenik, 28.04.2026.godine

GRADONAČELNIK

Adnan Bjelić, s.r.

## 10.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a postupajući po Zahtjevu SU "Sport klub Progress" Srebrenik, Grad Srebrenik, broj: 07-45-1121/26 od 13.04.2026. godine i Mišljenja Službe za boračko-invalidsku zaštitu i društvene djelatnosti broj: 09-45-1121/26, od: 16.04.2026 godine, a na prijedlog Službe za finansije i inspekcijski nadzor broj: 02-45-1121/26 od 23.4.2026. godine, Gradonačelnik Grada Srebrenik d o n o s i:

### ODLUKU

#### I

SU „Sport klub Progress“ Srebrenik, grad Srebrenik (u daljnjem tekstu: Korisnik) odobravaju se novčana sredstva u iznosu od **500,00 KM**, u svrhu subvencioniranja troškova edukativnog projekta „Dodatni rad i razvoj mladih fudbalera i sportista“.

#### II

Novčana sredstva iz tačke I ove Odluke odobravaju se na prijedlog nadležne Službe, na osnovu ispunjenih kriterija iz Odluke o utvrđivanju kriterija za korištenje sredstava tekuće rezerve u 2026. godini.

#### III

Novčana sredstva iz tačke I ove Odluke odobravaju se iz Budžeta Grada Srebrenik sa pozicije 07, ekonomskog koda *600000–Tekuća rezerva budžeta*, u skladu sa Odlukom o budžetu Grada Srebrenik za 2026. godinu i Odlukom o izvršavanju budžeta Grada Srebrenik za 2026. godinu.

#### IV

Novčana sredstva iz tačke I ove Odluke doznačit će se u korist Korisnika – SU „Sport klub Progress“.

#### V

Na osnovu ove Odluke, zaključit će se poseban Ugovor između Grada Srebrenik i Korisnika, kojim će se preciznije definisati prava i obaveze ugovornih strana.

Za pripremu Ugovora iz prethodnog stava, zadužuje se nadležna Služba za boračko-invalidsku zaštitu i društvene djelatnosti.

#### VI

Zadužuje se Korisnik da Službi za boračko-invalidsku zaštitu i društvene djelatnosti dostavi

Izvještaj sa dokumentacijom o namjenskom utrošku sredstava iz tačke I ove Odluke, što će se preciznije utvrditi Ugovorom iz tačke V ove Odluke.

#### VII

Za realizaciju ove Odluke zadužuju se Služba za finansije i inspekcijski nadzor i Služba za boračko-invalidsku zaštitu i društvene djelatnosti.

#### VIII

Ova Odluka stupa na snagu danom donošenja, a objavit će se u „Službenom glasniku Grada Srebrenik“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-G r a d o n a č e l n i k-

Broj: 07-45-1121/26                      GRADONAČELNIK  
Srebrenik, 23.04.2026.godine              Adnan Bjelić, s.r.

## 11.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a na prijedlog Službe za finansije i inspekcijski nadzor broj: 02-45-1112/26 od 20.04.2026. godine, Gradonačelnik Grada Srebrenik d o n o s i:

### ZAKLJUČAK

#### I

Odobrava se Šerifović Elvisu iz Srebrenika, grad Srebrenik, isplata novčanih sredstava u iznosu od 1.000,00 KM sa budžetske pozicije "Tekuća rezerva" potrebnih za troškove pripreme za Međunarodno takmičenje u sjedećoj odbojci.

#### II

Sredstva iz tačke I ovog Zaključka izdvajaju se sa pozicije ekonomskog koda 614000 – tekuća rezerva, u okviru organizacione klasifikacije 07 i funkcionalne klasifikacije 0111, Odluke o budžetu Grada Srebrenik za 2026.godinu ("Službeni glasnik Grada Srebrenik", broj: 01/26).

#### III

Zadužuje se Korisnik da Službi za boračko-invalidsku zaštitu i društvene djelatnosti dostavi Izvještaj sa dokumentacijom o namjenskom utrošku sredstava iz tačke I ovog Zaključka.

# SLUŽBENI GLASNIK

Za realizaciju ovog Zaključka zadužuje se Služba za finansije i inspekcijски nadzor i Služba za boračko-invalidsku zaštitu i društvene djelatnosti.

## IV

Zaključak stupa na snagu danom donošenja, a objavit će se u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-Gr ad o n a č e l n i k-

Broj: 07-45-1112/26 GRADONAČELNIK  
Srebrenik, 20.04.2026.godine Adnan Bjelić, s.r.

## 12.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a na prijedlog Službe za finansije i inspekcijски nadzor broj: 02-45-1165/26 od 24.04.2026. godine, Gradonačelnik Grada Srebrenik d o n o s i:

### ZAKLJUČAK

#### I

Odobrava se Ahmičević Fikretu iz Gornjeg Srebrenika, grad Srebrenik, isplata novčanih sredstava u iznosu od 500,00 KM sa budžetske pozicije "Tekuća rezerva" potrebnih za troškove liječenja.

#### II

Sredstva iz tačke I ovog Zaključka izdvajaju se sa pozicije ekonomskog koda 614000 – tekuća rezerva, u okviru organizacione klasifikacije 07 i funkcionalne klasifikacije 0111, Odluke o budžetu Grada Srebrenik za 2026.godinu ("Službeni glasnik Grada Srebrenik", broj: 01/26).

#### III

Zadužuje se Korisnik da Službi za boračko-invalidsku zaštitu i društvene djelatnosti dostavi Izvještaj sa dokumentacijom o namjenskom utrošku sredstava iz tačke I ovog Zaključka.

Za realizaciju ovog Zaključka zadužuje se Služba za finansije i inspekcijски nadzor i Služba za boračko-invalidsku zaštitu i društvene djelatnosti.

#### IV

Zaključak stupa na snagu danom donošenja, a objavit će se u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-G r a d o n a č e l n i k-

Broj: 07-45-1165/26 GRADONAČELNIK  
Srebrenik, 24.04.2026.godine Adnan Bjelić, s.r.

## 13.

Na osnovu člana 37. Statuta Grada Srebrenik ("Službeni glasnik Grada Srebrenik" broj: 1/24), člana 15. Odluke o izvršavanju budžeta Grada Srebrenik za 2026. godinu ("Službeni glasnik Grada Srebrenik", broj: 01/26) i Odluke o utvrđivanju kriterija za korištenje sredstava tekuće rezerve broj: 07-319/26, od: 03.02.2026. godine, a na prijedlog Službe za finansije i inspekcijски nadzor broj: 02-45-1061/26 od 22.04.2026. godine, Gradonačelnik Grada Srebrenik d o n o s i:

### ZAKLJUČAK

#### I

Odobrava se Suljkanović Adisi - predsjednici Vijeća roditelja JU Druge Osnovne škole Srebrenik, grad Srebrenik, isplata novčanih sredstava u iznosu od 700,00 KM sa budžetske pozicije "Tekuća rezerva" potrebnih za sufinansiranje prevoza učenika na relaciji Gornje Ravnuše – Gornji Srebrenik, za period: februar-mart 2026 godine

#### II

Sredstva iz tačke I ovog Zaključka izdvajaju se sa pozicije ekonomskog koda 614000 – tekuća rezerva, u okviru organizacione klasifikacije 07 i funkcionalne klasifikacije 0111, Odluke o budžetu Grada Srebrenik za 2026.godinu ("Službeni glasnik Grada Srebrenik", broj: 01/26).

#### III

Zadužuje se Korisnik da Službi za boračko-invalidsku zaštitu i društvene djelatnosti dostavi Izvještaj sa dokumentacijom o namjenskom utrošku sredstava iz tačke I ovog Zaključka.

Za realizaciju ovog Zaključka zadužuje se Služba za finansije i inspekcijски nadzor i Služba za boračko-invalidsku zaštitu i društvene djelatnosti.

#### IV

Zaključak stupa na snagu danom donošenja, a objavit će se u "Službenom glasniku Grada Srebrenik".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENİK  
-G r a d o n a č e l n i k-

Broj: 07-45-1061/26 GRADONAČELNIK  
Srebrenik, 24.04.2026.godine Adnan Bjelić, s.r.

## II - OSTALI AKTI

### 14.

Na osnovu člana 10. i člana 15. Zakona o turističkim zajednicama Tuzlanskog kantona („Službene novine Tuzlanskog kantona”, broj 11/15), člana 47. Statuta Turističke zajednice općine Srebrenik ("Službeni glasnik Grada Srebrenik", broj 15/25), Skupština Turističke zajednice općine Srebrenik, uz prethodnu saglasnost Grada Srebrenik broj 06-155/26 od 23.01.2026. godine, donosi:

#### ODLUKU

o izmjenama i dopunama Statuta Turističke zajednice Grada Srebrenik

##### Član 1.

U cjelokupnom tekstu Statuta Turističke zajednice općine Srebrenik ("Službeni glasnik Grada Srebrenik", broj 15/25), riječ „općina" zamjenjuje se riječju „grad".

##### Član 2.

U članu 30. Statuta (Imenovanje voditelja Turističkog ureda), u stavu 3. tačka b), iza riječi „u struci" brišu se riječi „od čega najmanje jednu na rukovodnim poslovima", tako da stav 3. tačka b) člana 30. glasi: „tri godine radnog iskustva u struci".

##### Član 3.

Izmjene i dopune Statuta Turističke zajednice Grada Srebrenik stupaju na snagu danom donošenja i objavit će se u Službenom glasniku Grada Srebrenik.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD SREBRENIK  
-Turistička zajednica Grada Srebrenik-

Broj: S-269-2/26  
Srebrenik, 03.04.2026.godine

PREDSJEDNIK  
SKUPŠTINE  
Ismet Šiljić s.r.

<b>SADRŽAJ:</b>	<b>Str.</b>
<b>I-AKTI GRADSKOG VIJEĆA</b>	
1. Odluka o dodjeli priznanja o dodjeli priznanja i stimulativnih mjera Grada Srebrenik za 2026. godinu	1
2. Odluka o hitnoj dodjeli podsticaja poljoprivrednim proizvođačima za goriva	2
3. Odluka o opterećenju zemljišta pravom građenja na lokalitetu privredne zone Tinja Gornja	2
4. Odluka o dopuni Odluke za su(finansiranje) projekata i programa u oblasti sporta, tjelesne kulture..	6
5. Rješenje o imenovanju komisije za provođenje postupka javnog nadmetanja-licitacije u Tinji Gornjoj	7
6. Zaključak broj: 07-04-167-2/26 od 28. 04.2026.godine	7
7. Zaključak broj: 01-19-274-3/26 od 28. 04.2026.godine	8

<b>II-AKTI GRADONAČELNIKA</b>		
8. Odluka broj: 07-45-958/26 od 24.04.2026.godine		8
9. Odluka broj: 07-45-953/26 od 28.04.2026.godine		9
10. Odluka broj: 07-45-1121/26 od 23.04.2026.godine		10
11. Zaključak, broj: 07-45-1112/26 od: 20.04.2026.godine		10
12. Zaključak, broj: 07-45-1112/26 od: 20.04.2026.godine		11
13. Zaključak, broj: 07-45-1112/26 od: 20.04.2026.godine		11
<b>III-OSTALI AKTI</b>		
14. Odluka o izmjenama i dopunama Statuta turističke zajednice Grada Srebrenik		12



Službeni glasnik Grada Srebrenik - Izdavač: Gradsko vijeće Grada Srebrenik - Za izdavača: Sekretar Gradskog vijeća: Mirsad Salkić - Uređuje: Stručna služba Gradskog vijeća - Odgovorni urednik: Mirsad Salkić - Telefon 035 / 366-421 - e-mail: gradskovijece@srebrenik.ba - Adresa: Ibrahima Salihovića bb, Srebrenik - Tiraž: 30 primjeraka - Izlazi periodično